

CONVENIO DE COLABORACIÓN CULTURAL ENTRE O CONCELLO DE SANTIAGO DE COMPOSTELA E A ASOCIACIÓN CULTURAL GRUPO DE BAILE E MÚSICA TRADICIONAIS BRINCADEIRA

En Santiago de Compostela, a 13 de xuño de 2016

REUNIDOS

Dunha parte, Don Martiño Noriega Sánchez, en calidade de Alcalde do Excmo. Concello de Santiago de Compostela, con domicilio, a estes efectos no Pazo de Raxoi, Praza do Obradoiro en Santiago de Compostela e C.I.F. 1507900-G.

Doutra, don Fernando García Blanco, en nome e representación da Asociación Cultural Grupo de Baile e Música Tradicionais Brincadeira, en calidade de Presidente, con domicilio social na Rúa do Home Santo, número 62, baixo, de Santiago de Compostela, e CIF G15067473.

MANIFESTAN

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
2. Que a Asociación Cultural Grupo de Baile e Música Tradicionais Brincadeira ven traballando na divulgación do folclore e da cultura tradicional galega , participando co Concello, entre outros, na organización das Xornadas do Folclore Galego.
3. Que o Asociación Cultural Grupo de Baile e Música Tradicionais Brincadeira vén desenvolvendo unha intensa actividade no eido da cultura tradicional galega en colaboración con outras entidades, entre as que se atopa o Concello de Santiago.
4. Que a devandita iniciativa cultural resulta de especial interese para a Concellaría de Cultura do Concello de Santiago polo seu impacto positivo na difusión da música, o baile e, en xeral, da cultura popular galega.

É por isto e que se acorda establecer un convenio de colaboración de acordo coas seguintes

CLÁUSULAS

Primeira: Será obxecto deste convenio as actividades que a Asociación Cultural Grupo de Baile e Música Tradicionais Brincadeira desenvolve en Santiago de Compostela actividades que teñen como fin a promoción do folclore tradicional e da cultura popular a través das actividades que se relacionan no anexo 1.

Segunda: O Concello de Santiago colabora economicamente no desenvolvemento destas actividades (Anexo I) coa cantidade de **3.500 euros**, que serán ingresados na conta a nome de Asociación Cultural Grupo de Baile e Música Tradicionais Brincadeira, con CIF G15067473, que ten ao seu nome na entidade ABANCA co número de conta EUR 2080-0319-61-3040011447. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer.

Na cantidade obxecto do convenio entenderase incluído o Imposto sobre o Valor Engadido (IVE) e calquera outro tipo de imposto ou gasto.

Terceira: O pago realizarase previa xustificación do valor da totalidade das actividades previstas no anexo I, presentando facturas oficiais e recibos que correspondan, que deberán conter todos os datos do perceptor, así como a correspondente retención do IRPF.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extratos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministros en restaurantes, gasoleiras, supermercados, etc, non podendo superar en ningún caso a contía de 600 €. Acreditarase o pagamento mediante factura ou recibín asinado polo acreedor indicando a data de abono debendo figurar a expresión recibín ou outra análoga.

A xustificación tamén conterá o seguinte:

- Documentación acreditativa de que a actividade se realizou segundo o previsto.
- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.
- Certificación da Consellería de Facenda da Xunta de Galicia que acredite que está ao corrente no pagamento das obrigas tributarias.
- Certificación do Concello de Santiago que acredite que está ao corrente no pagamento das obrigas tributarias.
- Ingreso selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e prace do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e prace do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de identificación fiscal

A xustificación das contías poderán realizarse de xeito parcial até acadar o máximo da contía concedida. A presentación da xustificación realizarase seguindo o modelo do Anexo 2.

Cuarta: A data límite para a xustificación do convenio será o 15 de novembro de 2016.

Quinta: O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a imaxe corporativa do Concello de Santiago de Compostela. Asemade a

entidade beneficiaria comprométese ao cumprimento das obrigas contidas na Lei Xeral de Subvencións 38/2003, a partir da data de sinatura.

Sexta.- Este convenio ten natureza administrativa e compételle ao Concello de Santiago o control da súa execución e a vixilancia do cumprimento do seu contido. A Concellaría de Cultura poderá, cando o considere oportuno, comprobar o estado de execución das actividades obxecto deste convenio. Crearásese unha comisión mixta de seguimento da execución do convenio e para a solución e interpretación de controversias formada pola Concelleira de Acción Cultural e polo representante do beneficiario da subvención.

Sétima.- O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá o reintegro da subvención polas causas previstas no artigo 37 da Lei Xeral de subvencións.

Oitava.- Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante rótulos, avisos, sinais informativos, publicidade, atención directa, etc., así como o obxecto mesmo da contratación, realizaránse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

Novena: A vixencia deste convenio é até o 31 de decembro de 2016. Este convenio rexerá durante o ano 2012 e poderá ser prorrogado para o ano seguinte, por acordo expreso das partes, cos mesmos obxectivos e por unha cuantía económica non inferior, supeditado á existencia da correspondente consignación orzamentaria.

Décima: Será responsabilidade da Asociación Cultural Grupo de Baile e Música Tradicionais Brincadeira a organización, xestión, publicidade e asistencia técnica requeridas polas actividades incluídas neste convenio. A entidade beneficiaria será tamén responsábel dos traballos que desenvolva e das prestacións e servizos realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.



En proba de conformidade cos termos deste convenio asínase, por duplicado no lugar e data de encabezamento.

Polo Concello de Santiago

Pola Asociación Cultural

Martiño Noriega Sánchez
Alcalde de Santiago de Compostela

Fernando García Blanco
Presidente do Grupo de Baile e
Música Tradicionais Brincadeira

ANEXO I: PROGRAMA DE ACTIVIDADES PARA O ANO 2016 DA ASOCIACIÓN CULTURAL “GRUPO DE BAILE E MÚSICA TRADICIONAIS BRINCADEIRA”

ACTIVIDADE 1: FESTIVAL E FOLIADA

Descrición

A asociación Brincadeira ten en funcionamento unha escola na que imparte desde 1990 clases ao público en Santiago de Compostela para a aprendizaxe e promoción do baile e da música tradicionais de Galicia.

Foliada: ao remate das clases e tras a mostra realizada no festival fin de curso, realízase unha convivencia entre membros de Brincadeira, alumnos/as, familiares, amigos e público asistente. Nesta actividade, primeiro compártense uns pinchos nunha carpa instalada na rúa do Home Santo e, ao longo da tarde, realízase unha foliada na que a música, os cantos e os bailes tradicionais son os protagonistas. Así, os preto de 200 membros da escola teñen a oportunidade de amosar todo o aprendido ao longo do curso, fomentando e divulgando a riqueza do noso patrimonio cultural entre todos os asistentes.

Horario: dende as 15:00 ata as 22:00h

ACTIVIDADE 2: O TRAXE NA RÚA

Descrición

Esta actividade pretende sacar á rúa o traxe tradicional galego e, para isto, contaremos cos seguintes apartados:

Ambientación no casco histórico de Compostela: compoñentes de Brincadeira espallaranse e pasearán polas distintas rúas da parte vella, visitando lugares singulares, camiñando entre a xente, nas tendas e nos locais de hostelería, confundíndose entre a veciñanza e informándolles da ubicación da carpa onde se estarán a realizar o resto das actividades: roupeiro, “photocall” e obradoiros.

Horario: dende as 17:00 ata as 21:00h

Exposición, roupeiro e photocall: instálase unha carpa nunha ubicación a determinar, onde se expoñerán diferentes materias e pezas de roupa. Ademais, as persoas que o desexen, terán a oportunidade de vestirse cun auténtico traxe tradicional coa axuda e asesoramento de membros de Brincadeira ou ben, sacarse unha simpática foto no photocall situado a tal efecto. Tamén teremos unha proxección de imaxes antigas e actuais sobre o vestir tradicional.

Horario: dende as 17:00 ata as 21:00h

Obradoiros de colares e botóns de fío: o público poderá aprender as técnicas básicas de confección de colares e botóns de fío das mans de membros da nosa asociación. Ofertanse 12 prazas en cada un dos obradoiros.

Horarios: confección de botóns de fío de 17:00 ata 18:30h e confección de colares de 19:00 ata as 21:00h



No caso de que non haber suficiente demanda para os obradoiros farase unha mostra en vivo de como se realizan de xeito artesanal tres tarefas relacionadas coa confección do traxe tradicional: botóns de fío, colares e confección de agramán ou pasamanería ao aire.

Horario: dende as 18:00h ata as 21:00h

ORZAMENTO

ACTIVIDADE 1: FESTIVAL E FOLIADA

Xestión (producción, dirección, organización, publicidade, etc)	700 €
Alugueres (carpa, mobiliario, xenerador, etc)	300 €
Materiais (comida, bebida, hostelería, imprenta, etc)	450 €
Subtotal	1450 €

ACTIVIDADE 2: O TRAXE NA RÚA

Xestión (producción, dirección, organización, publicidade, etc)	550 €
Alugueres (carpa, mobiliario, xenerador, pantalla, etc)	350 €
Materiais (confección roupeiro, exposición, obradoiros, mostra en vivo, imprenta, etc)	1600 €
Subtotal	2500 €

Total **3950 €**

ANEXO 2: MODELO PARA A XUSTIFICACIÓN DA REALIZACIÓN DA ACTIVIDADE

D. _____ como representante legal de :

Entidade beneficiaria
CIB/NIF

CERTIFICO:

1º.- Que o programa para o que se concedeu a subvención, e que a continuación se detalla, foi realizado na súa totalidade

Actividade ou programa:
Convocatoria:
Datas de realización:
Importe da actividade:
Importe da subvención concedida:

2º.- Que os gastos xenerados na actividade concreta do programa/s subvencionados son os seguintes:

Nº	CONCEPTO	IMPORTE	DATA PAGO
	IMPORTE TOTAL DA ACTIVIDADE SUBVENCIONADA=		

Que se adjuntan as facturas ou documentos substitutivos correspondentes a estos gastos, así como a xustificación do seu pago.

3º.- Que as subvencións solicitadas ou concedidas por outras Entidades para a realización da actividade subvencionada ascenden a un total de _____ €, co seguinte detalle:

ENTIDADE CONCEDENTE	IMPORTE
	TOTAL=

